



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

58 Idem.

urn:nbn:de:hbz:466:1-10316

& mandavero, & præcepero locustæ
& devoret terram, & misero pestilen-
tiam in populum meum conversus autem
populus meus, super quos invocatum est
nomen meum, deprecatus me fuerit, &
exquisierit faciem meam, & egerit pœ-
nitentiam à vijs suis pessimis, & ego ex-
audiam de cælo, & propitijs ero peccatis
eorum, & sanabo terram eorum. Oculi
quoque mei erunt aperti, & aures meæ
erectæ ad orationem ejus, qui in loco
isto oraverit. *Paralip. lib. 2, cap. 7*, ex quo
textu facillè colligitur, nihil agere, qui
calamitatibus vexati, orationis, & pœ-
nitentiæ remedio postposito, aliunde sibi
accersant auxilium, execrationibus ma-
gis freti, quàm precum, pœnitentiæ quæ
virtute, quæ simul junctæ, quæcumque
homini necessaria sunt, solæ præstare
possunt, orationis enim vis, & efficacia
cælum aperit, & claudit: oratio solvit
vincula Petri, & Pauli dilatavit prædica-
tionis fiduciam. Oratio caminum ignis
extinguit, ora leonum conclusit, sedi-
tionem compescuit, oratio Paradisum
aperuit, oratio cæli cardines referavit.
Oratio sterilem fecundavit. Oratio Cor-
nelij cælos penetravit. Oratio publica-
num justificavit, Sanctus Ioannes Christo-
stomus *de red. suo ab Asia homil. 3*, Et Iesus
ait: habete fidem Dei. Amen dico vobis,
quicumque dixerit huic monti tolle te,
& mitte te in mare, & non hæsitaverit
in corde suo, sed crediderit, quia quod-
cumque dixerit, fiat, fiet ei. Propterea
dico vobis omnia quæcumque orantes
petitis, credite, quia accipietis, & eve-
niet vobis *Marc. cap. 11*.

76 Sanctus † Gregorius Thaumaturgus
non procul ab Amasea saxum ingens ve-

lut collis, cum ædificando templo esset
impedimento, solo jussu summovit. Quo
miraculo ethnicorū idololatrum quæ ædi-
tuus, cum propinquis omnibus relicto
gentilismo ad Christi fidem conversus
est, Gregorius Nissenus, *in vita ejusdem*
apud Suriium tomo 4, Sanctus Theodo-
rus Siccorum, in dilatatione templi San-
cti Gregorij magna rupes obstitabat,
neque à fabris quavis arte excindi po-
terat, at illi jussit voce aliò se conferret,
permitteretque Ecclesiæ Dei locum dila-
tari; paruit rupes, cui jussum id fuerat,
migravitque, dimissa sibi illæsa arbore,
cui id non fuerat jussum. Gregorius
Presbyter in vita ipsius Theodosij apud
Lipoman. *tom. 7*. & Honorius † vir Dei
cum magna moles saxea, quam quinquaginta
bouvum juga loco non movissent, hortulum
magno incommodo afficeret, sola oratione
procul transtulit, Gregor. *Dialog. lib. 1, cap. 7*. &
Majol. *de admirand. nat. reb. colloqu. 18*. §. *assentiar*, &
ego, pag. mibi 806.

78 Sarraceni † Evangelium Christi bla-
sphemare volentes, omninò incumben-
bant, ut Christiana Adlogio è Regione
Tarvisina Regni Mosul detruderetur, &
accitis igitur Christianis, proposuerunt
oportere eos, vel propriæ fidei signum
aliquid edere, aut loco cedere, ac solum
vertere, montem enim illis esse transfa-
rendum, quòd sic dicitur Christi dogma-
ta. Absterrita tota Christiana plebs,
miracula faciendi virtutem apud se non
agnoscens, mœsta cœpit esse, tunc vir
quidam Christi fervens amore, & fide,
confortavit pusillanimes, & fusa oratione
ad Dominum, cum tota fiducia monti
jussit, ut aliò se transferret in nomine

Nnnn

sanctæ

sanctæ, & individuæ Trinitatis, & translatus est. Quo miraculo multi Sarracenorum conversi, Christi fidem susceperunt. Marc. Polyt. navig. lib.

1. c. 18. & Majol. de admir. nat. reb. qui alias auctoritates adducit, colloq. 16. §. post hæc omnibus seculis, pag. mibi 728.

DE IVDAEIS, ET SARRACENIS.

Cap. IV.

S V M M A R I V M.

- | | |
|---|--|
| <p>1 Iudæi ipsi bruti sunt deteriores,
Ad Christi fidem conversi retinent jus successione, ibidem.</p> <p>2 Possunt petere legitimam vivo patre.</p> <p>3 Sunt in fide instruendi, & à quibus.</p> <p>4 A suis domesticis, & parentibus sunt segregandi.
Ad fidem non sunt cogendi, ibidem.</p> <p>5 Antequam baptizentur, quandiu expectandum.</p> <p>6 Non debent per vim baptizari.</p> <p>7 Et quare.</p> <p>8 Idem, quod supra, num 4.</p> <p>9 Restitutio non datur contra impressionem characteris.</p> <p>10 Dolus, quo quis ad bonum inducitur, non imputatur.</p> <p>11 Iudæi in delictis ecclesiasticis subsunt foro ecclesiastico, & in quibus.</p> <p>12 In quibus delictis subsunt foro seculari.
Iudex ecclesiasticus in causis misti fori, etiam contra Hebraos jus habet preventionis, ibidem.</p> <p>13 Iudæi nondum conversi non possunt dici hæretici, & quare.
Infideles non possunt esse hæretici, & quare, ibidem.</p> | <p>14 Neophyti contumaciter Iudæizantes, tanquam hæretici, sunt puniendi.</p> <p>15 Iudæi, si fiant Sarraceni, non puniuntur.
Limita, ibidem.</p> <p>16 Iudæi non possunt excommunicari, & quare.</p> <p>17 Idem, quod supra num. 11.</p> <p>18 Ancharani opinio reprobat.</p> <p>19 Idem, quod 12.</p> <p>20 Idem, quod supra num. 11.</p> <p>21 Idem.</p> <p>22 Idem.</p> <p>23 Hæreticorum fautores sunt ipso jure excommunicati.</p> <p>24 Idem, quod supra num. 11.</p> <p>25 Idem.</p> <p>26 Iudæi Christianos probro habent, & ludibrio.</p> <p>27 Iudæi, si contra legem suam peccent, puniuntur à Iudice ecclesiastico.</p> <p>28 Iudæis publica officia minimè committenda.
Et quare, ibidem.</p> <p>29 Iudæi sunt infames.</p> <p>30 Iudæorum azima Christianis non licet comedere.</p> |
|---|--|

31 Iudæi.